

# S U L H N U

*MNF - te East Pakis-  
tan/Bangladesh a an Ram-  
mut lai, 1970-74 chanchin  
ngaihnawm.*

MZ  
954.166  
LAI

Lah

Minorum State Library  
D6597





Mizoram State Library  
DG597

**First Edition**  
**Copies - 500.**  
**(Copy rights reserved)**



## DATE LABEL

## MIZORAM STATE LIBRARY

The book taken from the Library is to be returned within 7 days. A fine will be charged under the rules of the Library for each day the book is kept beyond that time.

[illegible]

**N.B :- Book lost, defaced or injured in any way shall have to be replaced by the borrower.**

# SULHNU

| BUNG                    | Page |
|-------------------------|------|
| 1. SAIRUAL AN HRANG HLE | 1    |
| 2. LASI NULA            | 10   |
| 3. INDO                 | 26   |
| 4. CHHANCHHUAHNA        | 41   |
| 5. CAPITAL LEH ARMY HQ  | 50   |
| 6. INTHENNA             | 56   |
| 7. ARAKAN               | 58   |
| 8. SIN M'ZO             | 63   |

## MIZORAM STATE LIBRARY

Acc. No. 09 597  
 Acc. by SL  
 Class. by SL  
 Cata. by SL  
 Sub Heading by \_\_\_\_\_  
 Transcribed by \_\_\_\_\_  
 Location No : \_\_\_\_\_

## THUHMA

Kum 20 lai Rambuai hreawm tak kara kan awm hnu ah, June ni 30 1986. Thawhtan zan a India Sorkar leh M.N.F in Inremna Thuthlung an ziaak khan, a lawmna leh A-hriatrengna tur a engemaw tal tih ve kan chak hle a, chuvangin Kan thianpa chanchin hi Cyclostile in copy tlemte kan siam ve a.

Kum 10 lai alo liam hnu ah. A thu pangngai baw in REMNA NI leh Kan thianpa PHUNHLUPA. M.N.A (RIP) Hriatrengna atan Press-ah kan han chhuah ve ta a ni.

A chung, thu hi 'thu tak' leh 'Ngaih-nawm' a tling a, A thu hi abei tham deuh avangin M.N.F. Deligate, China Ram kal chanchin Ngaih-nawm em em, belh kan tum a, Mahse uluk zawka siam that leh kan duh avangin telh hman ani ta rih lowa, Abu hran in rawn tih chhuah leh tum a ni.

Press a chhuah tura a bul atanga a tawp thleng, Senso leh tuldang engkim senga Pu. P.C. Lalrosiama'n a Press:-R.M Press Leh-kha bu chhuah hmasak ber atan min lo hman sak avangin SULHNU hi chhiartheih in a lo awm a; a chung ah kan lawm tak zet a ni.

Laithuama & Zoramthanga

## LAWMTHU

SULHNU tih lehkhabin chhlartheih a, lo buatsaih tu te Pu, Zoramthanga leh Tv, Lai-thuama te chungah lawm thu ka sawi a, he lehkhabu a tang hian kan hnam tan a beitu te chanchin ngaihnaawm tak kan hre thei a, harsatna chi hrang hrang an tuar te leh chhinchhiah pawh hlawh mang lova thamral mai mai tur, Pawimawh tak tak te ziaak a dahthat a lo ni ta hi a lawmawm em em bawh ani. Tin, kan chhehvel hmun hnai te te a, hnam chekhnawh a kan lo ngaih thin te chanchin eng nge maw zat leh an hnam kalphung te kan lo hriat bhah thei ta mai pawh a lawmawm tak zet zet a ni.

A tawp der a tan chuan Saitual bial leh khewtlangin kan mamawh ve tewh em em a, ka hriat avang a, ka han din tan R.M. Press chawimawinan a, hetiang lehkhabu min han chhut tir duh hi ka lawm tak zet zet a ni. Tin, khawl ha te kau la neih famkim tawh loh svangin chhiar pawh a harsr deuh a, chhiartu te hnenah ngaihnam kan dil ngah e.

Dated Saitual  
18th June 1997

Sd/-P.C.Lalrosiama  
Prop: R.M. Press  
Saitual, Mizoram

# *Bung I*

## SAI RUAL AN HRANG HLE

Zan te a rei tak avangin ka zial zuk lai chu ka nawr hlum a, muhil turin ka insiam tha ta a. Chutih lai chuan tlak lam liam atang chuan Naute tap ri ka han hria a, hriat chian tumin ka han in nemkang deuh a, chawp leh chilhin kawngkhar a rawn ri rawk mai a, ka hmul thi a ding a, ka bing deuh chak chak mai a, thiante hre ve an awm em tiin ka ngaithla deuh a, an reh thap tawh mai a. Pa lian pui mai hang thel thul hian min din chilh tlat hian ka hria a, ka che thei ta hauh lo mai a. Chu palian pui mai chuan ka zak a rawn dek ta thut mai. min tanpui turin thian te chu ka au tuar tuar mai a, ka bula mu te hriat tham pawhin rawl ka chhuah thei lo. Theihtawp a beih let ka han tum a, ka lo che thei hauh lo mai a, eug emaw ti tiin ka rum chhuak a, ka bula mu ve Kap-chhunga chuan harh rawh enge ni i hmuh a ti a, Mai mi in min bawh a lawm mawle a han hre awm ngai em ka ti a. A zan lehah chuan Pasward atan PHUNG kan hmang a, a zanah chuan hmelma an hnai a hriat a ni a, kan inring vek a. Stanby- in kan awm a,

thu leh nghakin password an duh tui loh thate kan sawi nak nak a. Thu a lo thlen chuan hmelm a an hnai a, standthru-e-in post ah awn vek tur an rawn ti a. Tichuan kan tlai var ta a. A tuk chuan Lawngkawr pa ramkal in hmelmate hnuhma ni awn a hmuh chu min rawn hrilh a. Pu Rala h o v i n k a n va enchiang a, hmelm a te hn u h m a chu a lo ni ngei a, kan CampEye Sketch-te la in min lo pel ru hie tawh hi a lo ni a. Kan hawng leh ta a, a zanah chuan ka hmuh ngai baw k pa-llan pui hang thel thul, meng rang ru mai n ka ke rekah min rawn man leh ta thut mai a, hlauin ka te leh ta vak mai a, ka bul a mu Chhunga baw k khan harh teh enge maw i hmuh thin le, tiin min sawi harh leh ta a. Zan dangah pawh chutiang chuan a rawn ti a mai a, ka thian te hnenah min sawi harh thuai turin ka hrilh hlawn a.

Thiante chu hmun hiang hrangah Duty in an kal darh hlawn a, kei chu Camp ng hak pawlah ka awn a, Indepence Day te a hnai tawh avangin Capital-ah Field laiin mi then khatte an kal baw k a, Camp ng hak kan tlem hle. Dt. 17.2.70 tlai hian Password ah MUPUI



kan hmang leh a, zanah Lawngkawr lengru in thawm an hria a, zan dar 1:30 pm thleng duty Lalzuala chuan zan dang a awm ngai hauh lo hi a hmu a, Tuikhur thlengin a um a, hemi zan hian Mess tinin Sakhi sa kan chhum a, hlim takin kan mu a, a tuk hian Camp a kang fai vek dawn a ni tih hria reng kan awm lo, a tuk chu sawi loh zanin dar 2:30 pm atangin kan inkap tlaivar dawn tih pawh kan hre lo.

Ral vengtu Lalzuala chuan Camp bulak thawm a hria a, a ral ven hun a tawp a, a dawt a mi Hualchungnunga chu a kai tho a, a thawm hriat chu a hrih nghal a, thawm chu a lo hnai sawt hle mai a. Huala ngaih thalo chuan Duty N.C.O. a kai tho a, Officer Pu Thankima an kai tho nghal bawh a, thawm chu fiah tumin an kal nghal a, thawm chu a lo hnai sawt hle mai a.

Thawm awmna lama fiah tuma an han kal chuan an thlen chin chu a reh zel a, bakah chuan an thawm rum rum zel a, Pu Kima te lo haw chuan, Sai rual a ni e, Sai kah chak chuan va kap rawh u, tiin mi an kaitho hlawm a, chutih lai chuan zan dang a

mi rawn khawih tu baw k khan min rawn khawih  
 leh a, kan thian pa in min rawn kai hthawh  
 chuan Sai rual thawm ngaithla ho chu tual  
 ah chuan an lo tawng bal bal hlawm a. Camp  
 bul a chak lakna ro mau leh thingte chu a  
 ri tuarh tuarh mai a, hmelma an nih chuan  
 thawm an dim ngei hlawm ang. Sai rual an  
 ni phawt mai tiin. Sai kah chakte chu Silai  
 non Officer ekin lam a tlan khalh turin an  
 kal hlawm a, hotu lamte chuan fimkhur takin  
 stanby a awm vek tur tiin thu an rawn chhuah  
 a. Kan thova kan in Peck vek a, dar 2:30  
 a la rilo deuh a, Sai rual thawm chu a hnai  
 sawt ta hle mai a. mau ro te chu a ri tuarh  
 tuarh reng mai a, Chhunga chuan dar 12  
 vel khan ka han zunga, ka thawm hriat  
 chuan Mizoram a kan zan kal thawm kha a  
 tang ka ti hle mai a ti a, ka bulah Rama a  
 thu a titeh Sai rual thawm chu i han ngai-  
 thla ve ang ka ti a. Kawngkhar kan thleng  
 hman chauh tih chuan officer ekin mualah  
 Silai a ri ta nghal a, chuvehleh kan piah  
 Lawngkawr tlang atang chuan Bomb-in min  
 rawn sai ta nghal a, kei ni ho chu trench-ah  
 kan lut nghal a, silai puakrang leh bomb  
 chu a ri ta hiau hiau mai a, kei niho pawh-  
 in Mizo Army kan zam lovang ti a au chung  
 ta Sai rual lam hawi chuan Silai kan hmet

puak ve ta a, Sairual lam atang chuan kah  
 alhna a lo leng pheï del del reng mai a, kan  
 chung tlangah 'T-Bn. an awm a, min rawn  
 pui ang chu maw kan tih laiin kan C.O in  
 chu an rawn kap alh a, chuta tanga rei  
 vak lovah 'T-Bn. Camp-ah Silai a ri ve  
 leh ta dat dat' mai a, min rawn kah pui  
 emaw tiin kan him hle hlawm a. Silai ri a reh  
 chuan hmun tin mai ah meialh a lang ta sup sup  
 mai a, thawm kan han ngaithla a, hmun tin mai  
 ah Sai rual thawm hlii mai chu a riat tanuai  
 nuai mai a. 'T-Bn. min pui tura kan lo  
 ngaih lah chu..... min puih te chu sawi loh  
 an lo tlan chhuak vek tawh mai a, an mah-  
 ni chu ngaihtuah awm an ni ta zawk a.

Tichuan tan kan han la leh a, hotu lama  
 au ri chuan kan zam dawn lo Mizo tlangval  
 kan ni ngai e, min rawn beitu kan hmelma  
 te hi a nung chungin kan man vek tur a pi  
 an rawn ti ta lauh lauh mai a. 'B-Coy. leh  
 'A-Company inkar kawm chu silai mu leh  
 Bomb a hluar hle mai a, kan inbei rei ta  
 baw a, silai mu a lo thleng thei ta meuh lo  
 a. Officer ekin mual a S.L.Bren chu a tawh  
 hlelh awm hle mai leh nghal a, kan han kah  
 rawn vak mai thin a, reilote chu a han  
 chawl ve thin a, kan piab tlang atang chuan

Bomb an rawn thlak reng mai bawk si a,  
 kan Camp vel te lah chu yahchap. hi a ni  
 magaw mai a, an rawn hal do do thin a  
 kan lo kah vak thin avangin an hal puitling  
 thei thei ta loya.

Thla ralam a her liam a khawvar a hnai  
 ta a, khua lo var se Sairual ho hian min  
 lah chih ang nge, min tawli bo san ang,  
 kan ti nak nak mai a, hotu lam atangin 'B'  
 Coy belamah lo pheii vek ru tin thu a lo  
 thlang a, kan pheii a. 'A-Coy chhak tlangah  
 kan in zar a, 'A-Coy an lo chho ve leh a,  
 zui tur tih thu a lo thlang a, kan tawli  
 chhuak chu a ni ta mai a, silai mu pathum  
 ka la nei a. Dar 5:30Am a ni ta, khua pawh  
 a var ta bawk a, 'K-Bn Camp-ah kan lut ta  
 a. Thi kan awmlo a, Pu Rala a ke-ah an  
 hliam a mahse amahin a kal thei a 'K-Bn.  
 Camp-ah chuan kan riak ta a.

Kan Camp min hal fai sak vek a, In  
 ding pakhat mah hmuh tur a awm lo.  
 Dt:19:2.72 ni chean min rawn bei tute hnu-  
 ma enfei turin Section khat zel an kal a,  
 Officer ekin bul a S.L.Bren post ah chuan  
 miser kutphah tiat lek lek hi a lo darh  
 naih mai a, thi leh liam an hmuh na chu

a bel hle an ti. Longkawr piah - tlang atanga  
 min rawn bei bomb tute chetna chu an va  
 en leh a, an tan himun hmaza chu kan kap  
 fuh hle mai a, an insawn a, ta tang' chuan  
 min rawn bei tha leh a ni an ti. An post  
 atang chuan Mortor pin 38 an rawn chhar  
 a. Injection-na damdawi bur ruak a tam hle  
 an ti baw. S.L. Rifle mu leh Lukhum leh  
 Takam chem an rawn hawn baw.

Tichuan Camp neilo a awm reng theih a  
 ni si lo va, Camp tur kan sa tan leh ta tlut  
 tlut mai a, hah takin theih tawp chhuahin kan  
 bei a, kan hah em avangin Damlo lah chu kan  
 tam tawlh tawlh ta mai a, In sa tur pawh chu  
 kan tlem sawt hle mai a tawpah chuan kan  
 sa zo ve ta hram a. In sakna hnawkte chu  
 kan thian fai a, kan hal fai thin a kan thian-  
 pa hnawk hal chuan kan insak chu a ti kang  
 palh leh ta hlaub mai a, damlo khum bet  
 a mu leh thuamhnaw pawimawh te chuan  
 in la chhuak hman hram a, In erawh chu a  
 kang fai zo ta a, a ti kangtu hrilh hai leh  
 mangang chuan Min vaw hman mai rawh a,  
 a ti ta ringawt a.

Tichuan kei chu ka natna a khirh avangin phai lamah damdawia in enkawl turin ka kal ta a. Ka thiante ohuan tha hranin an lo bei nawn leh ta a, an sa zo dawn tawh a, an hlim tan tawh hle tih chuan, buaina an tawh leh ta a. Kan Camp tlang atanga tlak lam chu phaizawl rai dup mai hi a ni a. Rua leh maupui hmum a ni a, Thing a awm deuh zauh zauh a, a ram chu a mawin lung a tileng hle thin.

In kan sa zo dawn ta tia hlim taka an awm lai chuan, tlak lam ruam chu a lo thum hem hem mai a, kaw! a eng phut mai a, chhum chhah pui pui hi a inzial tup tup mai baw! a. Khaw dur uk pui pui mai hi a invawrh chho zung zung mai baw! Kaw! lah chu a eng uau lawi si a, chhum ung tak tak chung lama invawrh chho zung zung mai leh lei lama inzial mup mup mai te chu mak ti a an thlir reng lai chuan ruam rai tap mai a Mauraw thing leh hnuchhawlte chu anghing ta suau suau mai a, thawm chu a rawn ni ta hum hum mai a, thenkhatte chuan thlpui a tleh dawn a niang, Damlo kan tamin in te pawh kan la nei kim si lo va, tiin an hlau tan hle mai a. A lo zual zel a, thing

tang nawi leh bawllhlawhte chu a lo leng chho  
 ta chum chum mai a, tlak lam ruam zawl chu  
 a nghing ta suau mai le, a lo hnai zel a, a  
 hlawma den ang mai hian thli chuan a rawn  
 deng ta dawt dawt mai a, chuveleh thiante  
 chuan thlipui a tleh dawn, in siam vek tur an  
 ti a, mahni thuamhnaw theuh chu an chuh  
 sung sung ta mai a, inchhungah chuan an  
 tawm ta thap hlawn mai a ni. Thlipui chuan  
 a mak a mak maiin a rawn nuai chho ta a.  
 In sak thar chu a rawn chhem ri ta tuar tuar  
 mai a, a chungte chu a thlawh darh ta chum  
 chum mai a, inchhunga awm ngam a ni ta lo  
 va, pawnah an tlan chhuak a, trench khurah  
 an in hnawh khawm ta ringawt mai a ni.  
 In chhia chu a ri ta thawt thawt mai a, a  
 chungte lamin a hik hlawk hlawk mai a,  
 a zualna laiah chuan a Ban chwopin a phaw  
 a, a len darh chum chum reng mai a ni. Dam  
 kayr leh chaklo chung a hah taka an thawh-  
 chhuah tawh chu Thlipuiin a nuai chhe, leh  
 zo ta. A bul atang bawka tan leh a ngai ta,

## Bung 2

### LASI NULA

Kei ni ho damda'wí' ílan pawh chu kan lo dam ta' vlau mai a, Rangumiti chhuahsanin Sazek tiang dung a' kan Camp pan chuan kan hawng' chho leh ta a, Kan han thlen chuan In sa bawkin kan buni leh ta a. Camp bulan thawm lian fê fê hriat tur a ta awm reng baw a, hmelmate an' hnai reng ni a hriat a ni baw a. Dam lo kan tam hle a, a dam chhun te an hah hle, dar 10-12 thleng Camp pawnah ral changa ho knat awm a ngai reng mai baw a, darkar 12 atanga khawvar thleng ho dangin, zamin hetiang hian tih a ngu reng' mai si a. Hetih lai hian damlo then-khatte chuan tiang hawlin pawn kan thleng ve thei hlawm a, zan tin mai mut naah Pheikhawk phelh' 'lôva mut' a ninawm dah hle mai, damlo zuai lah A.H.Q. ah kan inthawn reng mai si a.

Nikhat chu 'T-Bn. a kan thianpa pakhat in (a hming chu sawi lo mai ila) Sahdal a kama, a sahdal kam ah chuan Sakei hi a lo



awkin a hmu a, a mah chu mihring ang  
 chiah Mei nei ngoh mai a' nih avangin kah  
 loh a tum a, a han ennawn leh a Sakei ngei  
 ne a, a hriat avangin a kap ta a: chuvehle  
 Sakei chu a bo ta daih mai, he kan thianpa  
 vek hian U' chkungah a awm lain De phai  
 camp-ah ramhuai a hmu a, chu Ramhuai a  
 hnuh chuan Mizoramah hmun a awm tawh  
 loh avangin hmun dangah kan insawn dawn  
 an ti a, tih thu a sawi tawh a' hei hi Tuisen  
 Camp a an awm lai a ni.

A Sakei kah chu Ramhuai a lo ni a, an  
 Lal hnen thlen in thubuai ah an la ta a.  
 Kan thianpa chu thubuai sawi tur a Ramhuai  
 Lal hma a ding turin an rawn hruaia, an  
 thubuai sawi lai pawh chuan a Sakei kah  
 chu a lo intuam bur mai a ti. Chutia rorelna  
 hma a a din lai chuan an lal Nula chuan a  
 lo ngaizawng ta a, he thubuai ah pawh hian  
 a ziaawm phah hle nghe nghe a ni. Ramhuai  
 ho chuan sawisak hrep a tihlum hial an  
 duh a ni.

*Rorelna Hma ah Chuan an Inehhal Tan Tu*

Ramhuai :- Engatinge ka awm mai mai  
 pawh sawi hleilo min kah ngawt,  
 mai. ti in a zawt a.

**Kan thian pa** :- Engah nge Sakei anga i in lan. Sakei chu kan kap thiang a lawm a ti a.

**Ram hual** :- Ka taksa chu Sakei nimah-se ka hmai mihring angin ka ti lang tho a lawm.

**Kan thianpa** : I taksa Sakei ni a i hmai mihring hmai a i in lan chuan kei a tan chuan hlauhawm ti rapthlaktu chauh a ni a ka kap lo thei lo che a ni,

**Rorelta** : Mihring hma a Sakei a i in lan avangin i thiam lo a ni.

Mihring chuan Sakei anga i in lan chuan an kap ngei tur che a ni a ti a. An thubuaiah chuan kan thianpa chuan thiam a chang a. An Lal nula chuan ianei turin a beisei nghal a. Camp chhunga a lo haw hnu hian a bialnu chuan a thiante rawn. pun in lak chhuah an rawn tuma. Saw le an lo kal e, in thianpa hi min la duh chuan min chhan rawh u, a ti a. A thiante ho pheii chuan an lo bawhbet tlat a sawm rual velin an bawh pawhin an hneh meuh lo. Lawngkawr bul ruamah chuan Ram-huai in 5,000 (sangnga) an awm a. Marasia pheii sawh in 7000 (sangsarih) an awm bawh.

Lasi nula ho chuan kan`thian pa chu an Lal fanu pasal a tan an rawn bei ngawrh sauh sauh ta mai a, an Lal fanu chuan, Min nei la sai leh ramsa tam tak in Camp bulah ka kah tir ang che, ti tein an thlem chiam thin, hetih lai hian Camp chhunga kan Arpa vulh ho te pawh Khawvar arkhuang ngam an awm lo. Kan thianpa la chhuak turin Lasi nula ho an rawn thawk chhuak leh ta. Saw le an lo kal leh ta, thiante u min tanpui ru tiin a au a. Thiante chuan an dawm bet a an kuah leh ta luih luih hlawm a, an dawm hneh hlei thei lo. An thian pakhat chuan Ramhuai in Zahmawh an hlau an ti, hawh u ruakin i awm vek ang u, a ti a, mei eng te timit vekin thim zingah chuan kan thian pa chu an dawm bet laih laih hlawm a, a rawt tupi chuan saruakin In a tlan hual pup pup mai bawka. Thian thenkhatte chu thim zingah ruakin an lo vei huai huai mai bawka. Hemi tum pawh hian Lasi nula ho chu an hlawhchham leh ta a ni. An thian pakhat ve thung chuan Sakhuana ka ngaihtuah peih si lo va, pianthar lah chu ka tum peih si lo va, Ramhuai zawl tur ka zawng dawn a ti a, ram hla tak takah a vak a, a hmu thei si lo, a tawpah chuan ramhuai sipai

he in an lo kap vak mai a, hlanin a rawn  
tlan haw leh ta a ni

2. Bn. znga pakhat pawh a ramvak  
Ramhuai sipai hotu fanu Rody an tih nen  
an inchin leh ta tlat mai an tih pek chu.  
Hmangah bianthu leh then loh bianthu te  
tlan in an inkawm a. Chupa chu Sipai lam  
hotu General ah dah nghal a ni. He nu, Rody  
Hlan neih nghal a tum a ni. Nikhat chu  
Ramhuai ho indo na ah Commander ni turin  
kai a tum a, a bianhu Rody chuan a rawn  
tlan a. Matora a luh dawn in: 'Hei le ial  
Bei turin kai dawn a huai tak leh finkhur  
takim va kai la, hnehna nen i lo haw leh  
ang a: ka lo hmuak dawn che dawn che ni,  
in thihnghilli suh ang aw, damtakin mang-  
tha, hnehna nen i lo haw leh dawn na tlu  
a thlah an ti. Ramhuai ho Nau awm chu  
luiah lung chungah an lo thu fo thin  
nin kan chakai khawh te hian kan kai ler  
zung zung mai si a. Kan thianpa hnerah  
chuan Ramhuai nau awm an lo vui hie thin  
a. Inthian te n dim miah lovin kan nauawm  
lung chungah kan thu lungin min phayh  
hnan rawk rawk thin an ti. Chutih  
chuan indo naah Sipai te futhin, tang ula

kap rawh u, kan hneh ngoi tur a ni, ti in a hote a fuh mawh mawh thin.

Kan Camp hmun chu a hrisel loh avangin hmun dangah insawn zai kan rel ta a. Camp hmun tur an en laiin kei chu damdawiinah ka kal a, Damdawiina ka awm hlan hian Camp chu an lo sawn a, an In sak buai lai chuan Army Headquarter atangin Lalmawia nen kan hawng a, In sak chu kan hna ber a ni leh ta. Kan sak zawh chuan a chhung kan chei fai leh a. Kan Bn. chu Independence Day-ah Maspiti a lam tur kan ni a. T.S. tawtawrawt zing khawvara a lo rik chuan lammualah kan tlar pat tawh thin a.

1971 Independence Day chu Army headquarterah kan hmanh a, Battalion hrang hrang atanga sipai lamte chu a hmuhnewmin mipui mit an tlung hle mai. Kan Bn. chuan Maspiti chu kan bei a, Baza leh Khuangpui nen Ben Party ho chuan min lo awi dup dup mai a, thla latute lah chuan PITY chi hrang hrang te chu la in an lo hmanhlel bawh a, a tawpah chuan RAM LEH HNAM TANA NUNPETE sunna kan nei a. Sunna Tawtawrawt a rik rawh rawh chuan mual sira mipui ding thim nguk mai te chu awm lo ang maiin an reh

thup mai a, hotulante chuan zah takin Memorial Stone-ah chuan Pangpar thi an dah, hong kan thian kal ta te hian an hmabak chhun zawm zel turin vangsang atang khian min au reng a ni tiin thu sawina te an nei a. 1971 chhun lam hun chu kan hmang zo ta a, zanah Drama-te chhuahin intihhlamna hun hman a ni leh a. Buaina engmah awm lovin kan hun chu kan hmang zo ta a ni.

Hetih lai hian China atangin tanpuina a lo thlang teuh mai leh nghal a, kan hlim hle hlawm a. Chulai hmunah chuan kan awm deuh reng a, ei leh in turte a lo harsa leh deuh ta a. Kan chenna ram Pakistan (Bangladesh) chuan Dt. 25.3.71 ah mahni ke a din; turin zalenna a puang ta a. An hruaitu MujiburRehman hian keini ho chu a ram atang hnawhchhuah vek min duh tih chu kan hai lo, An ram chhungah chuan In tin maiin an ram lem leh Hnam puan zar an zar vek a. East Pakistan a East Pakistan Rifle (EPR) awm hote chuan an chi pui Bengali ni lo, an post Commander te chu an man vek a, hei hian eng emaw chenah harsatna min siam thei tih chu hai rual a ni ta lo. West Pakistan n in tanpu ve tute lah chu ram hla tak Tuifinriat

rali mi dah an ni si a, chu bākah kei mahni sawrkar chhungah harsatna min thlen theitu NGET a awm leh tlat mai bawk nen, engtinge kan khawsak chhoh zel dawn tih hriat thiam a harsa hle mai. Radio han ngaithla iha Bangladesh sawrkar thar lo ding ta chu khawvel hriatin an tlangau lauh lauh vei nen. Kan ei lakia ber Tuisen lulpai lah chu a rehin a reh ruih mai si a. Ei leh in tur Buhfa leh Atta kan neih chhun chu a ren thei ang berin fan han ei ta a, kan sawrkar lam lah chuan ei tur a lo thleng thei tawh dawn si lova, a awmsa a ren thei ang bera ei tur, tih a puang ta a. Hetih lai hian India sipai te an hnai a, a simkhur thei ang bera awm tur, tih a ni reng mai bawk nen, chiang taka hriatna a awm thei bawk si lo, kan buai hle a ni.

9.4.71. ni hian kan bul lawk Tuisen lulpai India sipai 15,00 an awm tih thu a lo thang leh ta. Sipai te chu Standtrue post-ah kan awm vek a, chutih lai chuan India th'awhna kan chungah a lo thlawk a. Sawrkar thu rawn chhuak cnuan, zaninah Camp chhuahsan vek tur tih a rawn puang a. Chuvelch Buhfa leh Atta ei phallohi kan dah kha kan la chhuak a. Ni lah chuan hian a lo tum ve sur tawh vei nen, kan pheik buai ta mur mur mai a,

Thenkhatin Atta an lo hmet a, a dangin a  
 chhuanna tur Tui an lo chhuangso baw k a, ni  
 lah chu a liam ta ruai ruai a, khua a lo ngui  
 tan ta. Kan Ar duat taka kan vulha kan ei  
 ai ai kan lo pek ve thinte lah chu kal san mai  
 loh chuan ken theih ngaihna a awm si lo a,  
 a thente chuan a theih ang ang chu an lo talh  
 a, thu a lo thleng leh ta, a rang thei anga  
 Camp chhuahsan tur hmelm a an lo hnai, tih  
 a ni leh ta. Kan Atta chhum te chu a hmin  
 chhunte chu kan ei a, a then a la so chauh  
 a, a then chu a per in kan ak a, tichuan kal  
 kan tum ta a. 1st Mizo Armk 'V' Bn. te  
 chuan hma an hruai a, Do luih riah hmun  
 kan khua ta a. Kan Atta per ah kha kan  
 chhum leh a, kan kalna tur Hotu te kan zawh  
 pawhin ka hre velo tih chu min chhanna a ni  
 mai si a, sipai lu mum tan chuan hriat phak  
 rual a ni do. Thu a lo thleng leh ta a. CH. Bn.  
 Commander Pa Biakchhunga chuan tun tuma  
 kan kalne chhan hi, a chhan engmah a awm  
 lo, kan kal tawh dawn lo, a ti ta a. Kir leh  
 turin min tih avangin kan kir leh ta a. Mipui  
 tam sawk chu Maizam ngawpui panin an kal  
 liam zo ta a. Civil ho leh Lion Brigade lam  
 pawhin an huan thlai chu sawi loh an Ar vulh  
 lai chu an rawn kalsan vek mai a.



Chuti chuan Maizam tlang dungah chuan awm hmun kan khwar leh ta a. Camp hlui a buhfai leh Atta kan kalsan chu kan han la a, hetih lai hian Pakistan Commando-te chuan Dacca leh Chittagong a Mojibur-a sipai te chu an rawn bei a, an um chhuak vek a, mi sang tam tak an thi a. Mojibur-a sipai te pawh chuan an theih ang tawh chuan an lo bei ve zel a.

Keini ho chu riltamin kan mangang tan ta. Notun Bazarah Buhfai la turin kan zuk kal a, Buhfai lak tur a lo awm si lova. Alu awm chhun chhun chu kan la a. Inah chuan zanriah atan kan chhuang nghal a, chanchin thar lawmawm deuh lo thleng tur awm in kan beisei a, phazawl atanga kawngpui lo chho chu kan thlir reng hlawn a. Dt. 21.4.71 tlai lamah chuan Rangamati atangin kan thiante an lo chho a, eng chanchin nge an rawn hawn ang tih hriat chakin kan lo thlir thup mai a. Pakistan Commando ten Rangamati an rawn thleng tawh a, nang ni pawh in Ram lak chip-chin chu rawn luah zel rawh u, an ti a. Zan inah kal nghal tur tih thu an rawn hawn ta a. Kan insiam nghal sung sung mai a, a zan a zanin kan kal a, Marasia lamah chuan him

STATE LIBRARY

Dt.....

No.....

MILORAM, EST

takin kan inai ta nguai nguai mai a. Zaah  
kan talinga a. Hgi Sapolah kan riak  
naka a tuk Dt. 22.4.71 ni chuan Dursury  
kan pan a, he laiah hian Sazek ilangdung a  
E.P.N. leh E.P.P. te thumhraw dahna hmun  
a lo ni a, a vengiate chuan min lo hmuh  
veleh an tian chiat sin ta mai, an thum-  
hraw dahna in chu kan chhu hawng a kan  
la ta a. Tichuan a then chu Duty-in kan kal  
nghal a, kan duty na bulah chuan in chiete  
hi a awn a, a in astupa chu a fate hruam  
a lo kal a, bawkkhupa chibai minrawn buk  
a, Bengali tawng chuan ka hnenah chuan thu  
arawn sawi a, a sawi tam tehreng nen hriat  
chu ka nei len lo, ka fate pan ni kawr tur  
hi min pe rawh, kan rethai si a, pawisa kan  
nei bawk silo a, a ti ni hian kan ngathruat  
ngawi

Ka duty a tawp chuan a fate Kawr tur  
leh an pa kawr tur, Mosolman Buak. In a  
kawr tur leh lukhum an nu puan tur leh puan  
than hiam 5 ka va pe a, a lawmthu sawi chu  
hre lo mah ila, bawkkhupa vaw thum chibai  
min buk avangin a lawm dan tur chu ka hre  
thiam pui mai a. An nu chuan bangawng  
atangin min lo bih hi a lo ni a, Lawmthu  
pawh arawn sawi ve ngam lo. Tiaiah chuan

Lounch (meilawng) Rangamati atanga lo chho chu a thum ta vut vut mai a, a lo thlen chuan kan ei tur buhfai China Buh thianghlīm lutuk mai a lo thleng a, kan Commander te leh Q.M. te chuan kan ah lai in ven nan a kan tih chu an dah tha a, China buhfai lak vek tur an ti a, kan sectionah chuan kan ah lai kan chhun khawm chu ser 7 zet a lo ni a, kei pek chuan mi rethei pek tur ka hria e, ka ti a, ka la ta a. Chibai minrawn buk tute chhung kha ka va pe a, chutah zet chuan an nu pawh a in thup zo ta bik lo a niang. Ba Ba Ba tiin minrawn zut a bungbu ngaih ngaihin chibai minrawn buk ve ta a. An pa chuan Varak tui tin khat arawn chawithla a, ka hmaah chuan minrawn chhawp ta a. Kei chuan ka la dawn lo, a thlawnin ka pe che u a, hetiang tih a tul lo kan ti ngial thin a, ka tawng lah chu an hre thiam bik der silo, ka thiam chhun Boksik tih hi ka tiri ve reng ringawt a.

Rei tawk tak kanawm hnu in Dt.19.9.71 Rangamati kan lut leh ta a, Rangamti khawpuiah hian kanawmdeuhreng a. August thla chuan Buarkawlh-ah kanawm leh a, Kanawmna hmun apiangah Chakma te leh Mawk-tè nen kan in bethiam zel a, thian

tam tak chuan Ka pite, tih tur hi an nei  
 thluah mai. Kan ei tur chu Lounch (meilawng)  
 in minrawn pe reng a, Kan Section chu  
 Wangsangah Comando W/T Duty-te nen kan  
 aym ho a, Kan aym na tlang chu a nuam  
 hle mai a, tlai ni liam dawn vel a Lunglei  
 leh Theiriak khua a rangva In lang de va va  
 te chu kan thlir thap mai thin a, Zanah te hian  
 chung lai vela Motor tlan mit engte chu kan  
 tan chuan thil thlir ninawm lo tak mai a ni.  
 Mizoram kan chhuahsanna a rei tawh bawk  
 a, Kan lung a leng tlang tawh kher mai.  
 Eng han ah emaw zawng khing laiah khian  
 zalen takin kan ram ngeiah khian kan la lut  
 ngei ang ti a beisei na thui tak nei in Zoram  
 kan ngaih thu te chu sawiin kan ti ti nak  
 nak mai a, kan thian leh chhungkhatte nen  
 a chawhlui kilho hlan kan ngakhlel em  
 em thin.

Dt.10.9.1971 zan a ka duty laiin Speed  
 Board a tlan thum vang vang reng a, Zan rehah  
 Lawng kal a aym tawh thin loh avangin ka  
 ngaih a thalo deuh a, zan lah chu a rei hle  
 tawh a. Karnaphulli (Karnafuli) luipui lam  
 chu hawiin ka ding ngawi reng a, ka bula  
 Comando aym chuan Phone (W.T) a han  
 la a, hmun danga a thiante chu a han bia a.

Chhawta Howrina khuaah E.P.R. leh India leh Sipai te an awm ni a hriat a ni a, fiah turin kan thiante an kal dawn tih Pu Vanlala chuan min hrih leh chhawng a, an mu leh ta mai a. Ka duty a tawp dawn tawh tih chuan Gun Boad (Indo Lawng) ri ka hria a, Karna-phuli lui hnar lam pan chuan a liam chho ta ruai ruai mai a, kei chuan ka thianpa ka kai-tho a ka mu ve ta a.

Hemi zana Lawng kal ri ka hriat kha kan thiante K Bn. Commando ho leh kan Bn. te Chhota Howrina han enchiang turte an lo ni a. Fimkhur takin an kal a, kawng lakah khuain a var hnan ta a, khua an hnaih tawh hle tih chuan Hawrina atanga lo chhuak Chakma an hmu a hmelma an awm leh awm loh an zawh chuan, tunah chuan an awm tawh loh thu a sawi a. Engpawh nise, fimkhur taka kal a, khua hual phawt chu tha an ti a, lui kuang zim laia an kal lai chuan Silai a rawn ri chhuak ta phawng mai a, chuveh kan thiante chuan silai rikna lam hawi chuan an kap ve nghal ta a. Tuipui chung atang chuan han tih vak ngaihna awm hek lo, hmelma lam chuan lui laiah Bomb an rawn thlak dum dum reng mai si a. Lawng hnuzi hnungah

loh vek tur tih thu a lo thleng a, kap pah  
 chung zeli a hnuai hnungah chuan an lut ta  
 a. Silai mu a hnuar em avangin vanneihnain  
 a tlin seng ta bik lo, Khamliana Chalrang  
 khua leh Thangpuia Thekpui khua chu an  
 kap fuh ta a. Khama phe chu ka pawh  
 chhawn lohin a boral nghal a. Thangphunga  
 erawh chu Lawng hnuai lamah an la a. Lawng  
 pute an tlanbo tawh avangin lawng chu lui  
 laiah a awm a. An lawngpute lah chu Silai  
 a puah veleh khan an zuangthla a,  
 an tlanbo vek tawh si a. Lui laiah an awm  
 reng si chuan an buai vek mai thei dawn avang  
 in Pu Zoroma chuan a rin khalh ve ta ringawt  
 mai a, Pakistan Sipai Capt. Mauira awmah  
 chuan an rawn hliam leh ta a. Lalmawia leh  
 Rosanga an hliam hman bawh. Pu Zoroma  
 chuan khawmual hnai ber panin lawng chu a  
 khalh a, silai ri pawh chu a reh ta deuhva  
 khawmual an kai chuan kan thiante chuan  
 hmelma lam hawi chuan silai an kap reng a,  
 an lo tlan chhe zo tawh a, tumah an hmu  
 hman lo. Lalmawia leh Rosanga chu an zia-  
 awm viau a, Thangphunga erawh chu a mal-  
 puiah an kah tliah sak a, chet pawh a che  
 thei lo, ei tur a han lam a, thiante hrilhai  
 chuan a rang thei angin chaw chhum dan an



ngaihtuah sak a, lo nghak hram hram rawh chaw kan chhum a, a hmin tep tawh e, thla-phang reng reng suh, engmah i ti lovang tiam an thlamuan hlawm a. Commando hote chuan hmelma tlan chhe ho chu um zui an duh a, kan thiante chuan hliam leh thi kan awm tawh a, hawn leh mai a tha zawk ang an ti a. Kan thiante chuan ei an peih tep tawh tihah chuan kan thianpa Thangphunga chuan ram leh hnam tan a nun pein, he khawvel hi a chhuahsan ta a. Tunah chuan he khawvel buaina leh lungngaihna ata chhuakin Beramno Lal thut-thleng var ropui hmaah kan thian Khama leh Thangphunga chuan Chatuan Salem khawpui ah min chawlhsan ta a.

Lalmawia leh Rosanga leh Captain marni-ra chu Chittagong Damdawlinah an phur thla nghal a, midang te chuan Thangphunga leh Khamliana ruang chu rawn phurin Buarkalh an rawn pan a, an rawn lak tih atangin lawng kai a ruang an lak thlak thlengin thlalatu chuan thla a lo la reng a kan awmna a thlalev em avangin hotute chuan Rangamati a Mizo thlanmuala phum thain an hria a. Rangamati ah an phur thla leh ta a ni. Zalenna mei-chherah an in chan zo ta a ni. Zofaten za

lonna an chan theih nar. Zalenna man tam  
 nanna tam tak kan seng tawh a, kan la seng  
 zel dawn. Zalenna manah tam lua a awm  
 love.

## *Bung 3*

### INDO

Buarkalh O.P.-a kan Post-ah chuan kan  
 la lawm reng a, Nikhat chu Lalthlamuana te  
 nen chawhmeh zawng turin kan chhuaka,  
 Hruì zen hlam nga zet tur hi kan keng a,  
 Rangamati kal tur Lounch-ah kan kal thla  
 ve nghala. Bawrpui ni a ni a, Rizap Bazar  
 ah chuan Bengali ho Bazar chu an in Pang  
 aw-zial tup tup mai a, chawhmeh zawng tur-  
 mahni ila Pawisa kan van hle mai. Bazarpuì,  
 mi bitna laiah chuan kan lut zel a,  
 mipui zingah chuan Ui thau tha tak tak hi  
 an vei chhen mai a, thiante ho hnen ah  
 chuan Ui hi man mai ila a tha ang, Pawisa  
 kan keng silova, chawhmeh dang lak tur kan  
 hre bawk silo, tiin ka rawn hlawm a, 'A  
 zahthlak an ti deuh nang nang hlawm a.  
 Kei ka zak lo, min hre zui tak tak lovang,



Wawi 15 hetami hi . tih pahin Ui patuai  
 thau tak tak chu a nghawng ah ka hling  
 nghal chawt mui a, Chuveleh Ui chu a zuang  
 nghal zawk zawk mai a, hrui hmawr ah  
 chuan ka vuana Bengali ho Bazar kal chu a  
 vet te ta tengtung\* mai a, mi thawl na laiah  
 chuan ka kai chhuaka, Vai ho chuan hmuh-  
 nawm thar danglam tak ah chuan min ngai a  
 ni ang, min zui dul dul mai a. An thilzawrh  
 lam ngaihtuah miah loia kei hlir chu min  
 thir ta mai a. Chutih lai chuan kan thian  
 te chuan an chawhmeh duh zawng zawng  
 chu an ipte khatin an lo rut mawli mawli  
 bawk a Kei lah chuan ka thiante chet dan  
 tur hre ran in a hma aia nasa zawkin ka  
 lampui leh ta a, ka hrui chu ka kawngah ka  
 vet a, alayah chuan ka vai-lam ta hah hah  
 maia, hrui hmawr ah chuan ka Ui kaih chu  
 a vir ve zak zak mai bawk a. Min entu mi-  
 puite chu an pung chak hle mai, min hmuh  
 chaksi: min hmu phak aun min hmuphalo an  
 tam zawk fe awm e, man chawi lova en ah  
 chuan min ui leh hnahnawh<sup>va</sup> a, ka zawn chu  
 ka su pawp a Bazar tluan chuan ka lam ~~ni~~  
 a, thiante ka melh kual pah fawm zel a, ka  
 hrui a ka veh hlau a te chel chul ho chu kal-

sanin Lawng-kai lam ka pan pui ta a. Duh-zawng chawhmeh kan hawn a, Sa azawnga sa tui ber mai kan hawn bawksi. Nidanga kan chawhmeh zawng ai ber chuan hlawhtling kan inti a, kan hlim phian mai lehngal. Mizo House kan va thlen chuan thiante chuan, 'I zaktheilo em mai minti nak nak hlawn a, Ka zaktheilo thut ta hle hle a. Buarkalh kal tur kan kim ta tih chuan kan Lawng chu a tut ta vung vung mai a, Tuipui zau chungah chuan kan leng chho ta duai duai mai a ni. Ni liam rualin Camp kan thleng chho ta a.

Buarkalh ah chuan kan awm renga, Lakhuithlei leh Balhla huan in min hual tuau mai a, kan awmna tlang a thengthaw nuam hawk a, kan hriselna lam pawh a tha. Sipai chu awmhmun sawn sawn ngang kan ni a. Keini pawh chu Lunginkhar a kan thiante awnte thlak turin kan Captain, Pu Rala ho-in kan kal a, Pathan Comando 30 rual an tel hawk. Sai in eitur min rawn pe thin Ramri a hnai a, a thlaler hle mai a, Baka-beky India Sipai Post chu chiang takin a tung thei a, November thla te alo ni leh ta a, Boruak chu a vawt veng veng tawh a, Kristian te kutpui ber chu hnai hle tawh mahse,

Hmelma te nen kan inep reng tawh mai a, tichuan kan thianpa duty, Zinglam dar 2:00 a duty chuan hmelma lokal thawm a hria a, thiante in kaihthawh hman a ni tawh silo a, a kap ta a. Tichuan keini ho chu mahni Past Trench khurah chuan kan tlan lut a, khawvar thleng kan inkap a, Pakistan Sipai Comando te chuan an hmun chu an tawlh san ta mai si a, chulai hmun chu India Sipai ho chuan an rawn chang ta mai si. Chulai hmun an chan si chuan keini tan tan ngaihna vak a awm silo. Kan tawlh kian san ta a, Pathan Camando pakhat leh kan thianpa pakhat chu an awmna chin kan hre ta lo, khawilam ah nge an awm tih hriat lohni an bopil ta a, keini ho erawh chu eng emaw ti ti in kan thiante awmna kan pawh thei hram a. Tatang chuan Indo chu kan tan a lo ni reng mai. Tichuan Chawlhni pawh nimahse, Pathian biak Ikhawm pawh kan tan theilo, Marasia lama kan Unaute, pawh an lo inkap tlaivar ve hlawm a, hmun tinah India sipaite chu an lo lut a, Pu Rala ho tlem leh Pathan hote chuan Buarkalh tlangah Post an han siam tha leh a, Chhawtahorina lama K-Batallion ho pawhin inkah chu an lo awl biklo. Hmun tinah Silai riklohna a awm ta lo. Karnafulli lulpural

chhak lamah chuan India Sipaiin Post an  
rawn hung a, a khat tawkin min rawn Bomb  
reng a, Pathan ho kan awmpui ten an Bomb  
let ve reng bawk. Radio kan ngaihthlak a-  
tang leh Chanchinbu kan chhiar atangte  
chuan India sipaite leh East Pakistan Rifles  
(EPR) hote chuan Syhlet bial ah Beihpui an  
thlak a, ram zau tak an rawn la a, hma an  
rawn sawn zel ni a hriat a ni. A chhun a zan  
in silai kah thawm hriat tur a awm tareng  
mai a ni. Chatlak loin a ri ta uar uar reng  
mai le.

1.12.1971 a ni ta, Zing dar 10 a ni a,  
Chhawtahorina ah Silai a ri uar leh ta, kan  
thiante chuan chhum zin lain eirawng an  
bawla chhum zin lai bawkin an ei a, an  
peih veleh Trench ah an lut hial thin. Ding  
lang an awm hlek chuan. silai mu alo leng  
nghal thuai thin a, muthilhna hun a awm ta  
meuhlo. Mitinin Post kan nei theuh a a  
chhun a zanin mahni Post kan chhuahsan  
ngailo. O.P sang zawka kan thiante ei tur  
chu Sairual in a thiar tluk tluk mai a, kan  
bul lawka Pathan ho leh India Sipai Inkap  
chu Maupui hmun hal ang maiin a ri leh

hiau hiau mai le. Chanchin kan hriat danin Ramri tin ah India sipai leh EPR an lo lut a, hma an rawn sawn zel.. ti a hriat a ni. Tuifinjiat ral atanga lo kal Pakistan Sipai te chu India Sipai nawrlet leh tur chuan an chak tawklo tih a rin theih a, hmunpui lam atangin tanpuina engmah a lo kal thei silova, Tuipui leh Boruak ah India chuan adang chat vek tawh a, WT chauhlo chuan ineawr theih a ni tawhlo. hmun tinah Silai ri a zual zel mai.

7.2.71 chuan OP Sanga awm tur chuan kan Section chu min rawn ti leh ta a, he tlang hi a nuam hle mai a, a bul vel ah a aia sang leh a tlukpui tlang dang a awm lo. Khawchhak lamah chuan Darnafulli luipui chu a luang kawi nguai mai a. Lunglci leh Theiriat tlang te chu a lang paw ruih mai a, Khawthlang lamah chuan Pakistan tuikhuah a lang hring nghulh mai a, a fintu lui leh Li-teng-sawl te chu a lang dum kuih mai bawk a, lawngleng an vei sung sung reng mai bawk a, Lui kawi laia Puanzar lawng an inher liam ruai ruaite chu ka thlir reng thin. Lounch. Rangamati atanga lo kal te, hmun

hrang hrang atanga lo kal te leh hawng thla  
 tuipui zau a, an inpel zut zut te chu ka en-  
 zui vawng vawng mai thin a. Tlai nitlak vel  
 te chuan hmun hrang hrang ah tui te chu a  
 tle suar suar hlawm a, Ni a liam a khua a  
 ngui tan a, Chawtahorina ah chuan Bomb leh  
 Silai ri a thum leh ta hlerh hlerh mai, zan.  
 khat thil thu ah min rawn bei thut thei an  
 nih avangin mahni Post ah kan lut leh ta  
 dial a. Zokhuma'n Post ala neih veloh a-  
 vangin ka Post ah kan tawm dun a, kei ain  
 a duty hmasa a, a duty zo min rawn kaitho  
 ka ding hman chiah tihin thu a lo thleng a,  
 zanin ah haw thlakvek tur, arang thei angbera  
 insiama kal nghal tur tih a ni a. Kan insiam  
 a, kan kal thla ta nghala, Kan O.P. hniam  
 ah chuan kan chawl a, kan chhak tlang atang  
 chuan Bomb a lo tla thum dum dum mai  
 bawh, hriat chuanna chiah kan neilo nain  
 kan thian te, Pathan Commando-ho hi India  
 Sipai kutah an inpe mai dawn anih kan ring  
 theuh a, kan tlaivar leh ta a.

8.12.71 ni chuan Rangamati pana kal vek  
 tur a ni a, a hnunung ah chuan kal tur  
 kan nih avangin OP hniam ah chuan niliam

dawn thlengin kan awm leh 'a, Buarkalh lawngkaiah chuan Lounch chuan min lo nghak reng tawh a. Pathan Commando te leh Pakistan Army te nen Lounch ah chuan Silai leh a mu leh eitur leh Bungraw dangte chu kan thiar lut zut zut mai a, Mhiring aiin bungraw dangte chu a rit zawk hle mai. Khua a thim tan ta a. kan chhak tlangah chuan 5th Platoon te chu an la awma, keini ho chu 200 vel kan ni a, thuamhaw te kan dah zawh chuan, Rangamati pan chuan kan leng thla ta duai duai mai a. Kawng lakah 5th Platoon ho la tur Lounch kan tawh a, kan in pel a, keini chu kan tlang thla zel a, Rangamati kan hnaih tawh hle a, Mei eng hmuh tur a awmlo. High School ah min phur lut nghala, a tuk kan cham a, zan dar 7:00 ah kan chhuaka, Subalong-ah kan riak. Rangamati a kan cham ni hian Buarkalh Comp chu India Thlawhna in a kap alh vek min an sawi.

10 12 71 Ni hian Ralaui tlang panin kan tawh chhuak leh a, khawmual kai dawn top in Thlawhna alo kal tin kan ralkhel a, Lawng leihlawn chi a rang thei ang berin kan han-

dawh thui a, Leihlawna chhuk leh Tuia zuangthla kan in zat nawk mai, Pu Duha chu a zuangthla pawlah a tang a, 'Pu Duh, i engthlengin nge tui i dai kan han ti a, ka ehhip thlengin tiin min chhang. Eng mah a ni lo ve, anrawn ti a buaichuareh nghal Ralauh tlang ah chuan Pathan ho nen 'K-Bn. leh E.F. ho nen kan in zar a, nitin Trench khur lai kan hna leh ta. India Sipai leh EPR inkawpte chuan ram an rawn la zel a, kan chhak leh thlang, chhim leh hmarah Silai riklohna ram a awm ta lo. Hmelma thlawhna chuan min thlawh khum vur vur tawh mai a, Keini ho chuan Ralauh tlangah chuan tan kan khawh ve hle a, hmelma lam lahin tihvak ngaihna min hrelo, Thlawhnain min beih loh chuan leilam sipai ringawt chuan min suttlang zawh kan inringlo. Chanchin kan hriat danin Chittagong leh Dacca, Syhlet velah inkahna a na sa hle a hriat a ni. Pakistan Commando ho chuan E.Pakistan chu an chhanhim theiin a lang ta meuhlo. Zing dar 3:00 vela Chittagong an Bomb thawm chuan kan awmna tlang chawpin a nghawrnghing ta emaw tihkhawpin a rik hian a ri hiau hiau mai a, khua a lo var chuan Chittagong kang khu ung nguk mai chu chiang takin a lang ta a,



chung thlawhnate lo dolet tur chuan Pakistan chuan engmah a ti thei tawh lova. Vansang atanga Bomb lotla chu alo Sepui ruah-tuar ngawt ngawt mai a ni. India Sipai lah chuan an rawn bei ngawrh tawh tawh maisi, Chittagong leh Dacca chu Laipuiin an rawn sai phak ta.

Kan belh Sawrkar lah chu atein achak tawh-lo si a, a chheber dawnin kan thiante hi India kut ah inpe ta sela, keini ho hi kanin pe ve thei dawn silo a, kan Sawrkar hruaitute awmmah lah chu Tuipui hual vel vek anisi a, Kawng-pui awm chhun lah chu Chittagong kawngpui chauh a ni a, chulahchu hmelmah te tan hmun tiremchangtu chauh mai a ni si a. Mipui nuanah han tawh chhuahna tur a vang hle mai. Lawnga intawh chhuah chu kawng awm-chhun a ni ta mai. Lawng khalhtu te lah chu tuna kan kahlaite vek hi anni si a, Min hruaichhuah aiin kan boral vek chu an duh zawk awm si a, Vanneih tawp khawkin min lo hruai chhuak duhdawn pawh ni ta tehrengse, hmun tin maiah India Sipai loh EPR te rawnin tawhlthla hum humte lakah chuan engtinge kan him theih ang? Chitta-

gong atanga Rangamati inkar chu Mel 40 vel a ni a, Rangamati atanga Ralauh tlang inkar chu mel 6 vel a ni a, kan awmna atanga han ngaihthlak chuan Chittagong an Bomb thawm chu Khawpui ri ang hian a ri dur dur mai a, a kang khu chu Ruahthimpui lo hawng ang mai hian a khu dum uk nguk nguk mai baw si a, a zial hian a inzial mup mup mai a ni.

Ni 16.12.1971 a lo ni ta a, hmelma lam nen kan inhnaih sawt hle kan bul lawk Chakma khua ah chuan hmelma chetdan en thlithlai turin kan kala, he khua hi Pakistan tuikhuah litengsawl hrula awm a ni a, kan awmna bulah chuan Karnafuli lulpui ain a zau daih zawk. A ral ah chuan Rangva In a awm a, a chung tlang chu India Sipai Post a ni mai a, lui kainah chuan kan in zar hlawm a, Lalthlamuana'n a silai Bren-Gun chu tha taw klo a a hriat avangin a han kap chhin a, a lo chhe tehchiam lo a ni ang, kan Hotu te'n a taw an tih rual chuan India Sipai te chuan minrawn chhawn ve ngal a, kan ralah chuan anlo awm reng chu

niin, kan han inkap leh rih a. An chung  
 tlang atang chuan an thianten an rawnpui  
 a, min Bomb ta chiam mai a. Kan tawh let  
 leh ta, Thi leh hliam kan awm lo. Hemi ni  
 vek hian Subalong lam ah pawh silai ari  
 nasa hle bawh. Chakma bawng min pek kan  
 kai hawnga, Antam te kan hawn bawka, kan  
 hlim hle mai. Chanchin engemaw tal chu  
 alo thlen tawh kan ringa, mahse Subalong  
 lama Silai leh Bomb ri a nasat tawh em  
 avangin kan ngaih chu a tha chiah tawhlo.  
 Kan hawngchho nghal a, kan thiante awmna  
 kan han thleng chu a hrilhhaithlak hle mai.  
 Choka pangngaih pawh khawsak an lo rel  
 ngam tawhlo va, lamlian thlang fe ah an lo  
 rela, an lo buai nasa mai. Pathan ho Post  
 tlang chu alo ruak fai vek tawh bawh. Kan  
 thiante chuan Dacca a fall ta. kan thian Pa-  
 kistan Sipai ho pawh Chittagonga India Si-  
 pai ho hnena in pe turin an liam fai zota tih  
 thu min lo hrilh a. Engtinngae kan awm zel  
 dawn tih hriat a har ta hle mai, Subalong  
 tlangah chuan India Sipai an rawn inthiar  
 thleng nghuk tawh bawh. Kan chhak leh  
 thlang, chhim leh hmara tlangsang tha zawng

zawng lah hmelma sipai ten an luahfai zota. Keini chuan khawmual ah engemaw ti ti chuan kal chhuah chu kan tum a, Kan Sor-  
kar rorel khawl President ho, a mipui nunau  
tuipui hual vela awmte tan erawh chuan  
kawng a kaw talo ni berin a lang.

Keini ho pawh chuan kalchhuah chu  
kan han tum thlarawk nair, kan hmalam ah  
hmelma, mi rawt chimih tumtute engangin  
nge anlo inzarpharh tawh hriat ani chuanglo.

A zan chuan kan Platoon in Pathan ho  
post ruak chu kan lua a, zankhuain Silaimu  
leh thuamhnaw kan thiar tlaivara, Hetih lai  
kan Sawrkar rorel khawl chu enge kan awm  
dan zel tur ngaihtuahin an in hmukhawm a,  
thutlukna a awm hlei thei lo. Kan ralthuam  
leh kan finna te leh kan huaisenna te chuan  
engmah Kori a tu hleithei talo, hmelma kan  
let a tam leh tuipui hual vela kan hotute chuan  
mihring remruatna chuan Sa remruat ang  
chauh a nih anihzia an ngaihtuahin kan Pa-  
thian nung hnena kan manganna thu thlen  
chu tul ber niin an hre ta a.

Kan Pathian nung ngei hnenah chuan  
 tawngtaina an hlan a, hetih lai hian kan borai  
 vek pawh hniallotu, kan hmelmate chuan hnia  
 an rawn sawn zel bawh. Rangamati khawpui  
 pawh chu minute khat leka alhzo mai thoi  
 dinhmunah a ding a, Zen tang tak chung  
 meiling khai ang mai a ni ta. Kan hotute  
 chuan Pathian rawnin bengsik tak meuhin an  
 han ngaihtnah leh a, tih dan tur hrang hrang  
 an han dap a, Pu Biakchhunga chuan Kei ni  
 ho hi India Sipai kutah inpe mah ila, - O.P  
 lama kan thiante Kan Sipaite an inpe duh  
 dawn chuang lova, chubakah he khaw chhungah  
 hian kan awm reng a tha tawh' lovang, chu  
 vangin Lawng kan hmuh theih ang ang zawng  
 khawm ila, a rang lamin inthiar chhuak nghal  
 ang u, a ti ta a. Lawng chu a zawng ta nghal  
 a, kan sawi tawh angin lawng pute chu Beng-  
 ali, tuna kan kah laite an ni kan, tih tawh kha  
 Lawng a chara, tiin nge min chhan anga, an  
 tlanbo zo ang tih hriat a ni lo. Bengali mipui  
 te chu Rangamati khawlaiah chuan an pung-  
 khawm luih luih mai a, Silai hial an rawn  
 hmet puak tan ta. Lawng lam ngaihtuahtu  
 techuan eng emaw ti tiin an rawn hmu thei

lut zung zung a, lawngpu te chuan phur takin an phur chhuak ta a. Enge an va tawh zel dawn erawh hriatphak a ni tawh lo.

Pakistan Commando pakhat ve thung chuan India Sipai kutah a nung chungin ka inpe dawn lo tiin SMG a keng a, a panna lam tur pawh hre loin, Speed Boat ah a chuang a, Tuipui zau takah chuan a tlan thum veng veng mai le, Thih mai loh chu atan hmabak a awm silo. Chutihlaiin an thian tam tak chu Dacca-ah India sipai kuta inpe turin an liam ruih ruih mai baw a. Nung chungin India Sipai kutah ka inpe dawn lo ti pawl ho lah chuan Chittangong ah Silai leh Bomb an la tiri hlerh hlerh reng mai baw.

Hlimna leh lawmna ten min hnuchhawn zota emmawni chu, tih mai tur hian Khawvel hi a ngui ruai mai a ni. Eng anga hrehawm leh thim nasa pawh nise hnungtawlh thiangan ni tawh lo S.E.F leh K Bn. te chuan Ralauh tlang chu kan chhuahsan a Ramhnuai leh hmun khawharah Riltam leh tuihala vah-vaih chu kan tan leh dawn ta a ni. Inhmuh khawm lehna ni her chhuak leh tak ang maw.

## Bung 4

### CHHANCHHHUAHNA

*Ngaiteh kawnga vengzel tur leh,  
Ram huatsaiha hruailut turin,  
Ka Vantirhkoh ka tir dawn e:  
Thlamuantu Lal aw chuan ati.*

Ni 17.12.71 ni chuan, 'Puanthuah paih veka, Silaimu a tam thei ang ber ah theuh tur tih thupek alo thleng a, Chakma hoin Bawngpatuai nalh tak mai min pek pawh chu ei hmanlo in Ralauh tlang chu kan chhuahsan ta a. Kan finna leh chakna, kan ralthuamte tling tawklo mahse, Pathian leh kan ram tana thawkchhuak kan ni a, Lalpa'n min ensan phal in kan ringlo. Enzawn a, kawng su chawpin, Silaimu 500 el-awl ak theuh in, inkap mai thei tura inring reng chungin hmalam kan pan zel a. 'Nikhat ah mi pakhat tan buhfai pava khat tih thu puan a ni leh ta. Khawiah nge buhfai kan hmuh leh dawn tih hriat phak a ni talo. Pakistan ram ruak zau tak chu kan fang

pheĩ tãn ta a, Chhim lam, zawnin kan kal  
 zel a, tlangsang deuh atang chuan pa fel  
 deuh, ram chin hria te chuan an han thir  
 thin a. Vawite khatmah an la kalna ngailoh  
 a nihve tho avangin a ngaihna tak an hre  
 thei bikid. Tuihal leh riltam leh ritphur  
 chungin khama lawn te, Lengkira hruia uai-  
 thlakte a ngai reng mai a. Chutichung chuan  
 kawng hnawk su turm 'Kei ka awm e tiin  
 kan la inchuh laih laih reng a ni. Tlangsang  
 tamfe kan lawn chhuaka, mihring awmna  
 khua hmuh tur reng reng ala awmlo. Tuihal  
 leh riltamin rethei hle rih mah ila, hmelma  
 mintibuaĩtu kan la tawh loh avangin kan la  
 hlin thei zel a. Pathian kuta in kawltir zel  
 chungin hmalam kan pan zel. Rei fe kan kal  
 hnu chuan thiante kalna hnu kan hmu fuh  
 ta hlahuh mai le, Ramhnuai ah kawng an sah  
 that em avangin mi zawn an nei a nih kan  
 ring mai a. thiante hnu chhui chuan kan  
 kal zel a, kan buhfai neih chhun chu thih-  
 thloh takmeuh a kan ei chung pawhin ren  
 man a awm talo. Kan eizo ta der mai.  
 Lawngsira luang zikno leh Changel laimu te  
 lah chu kal hmasa ten an eifai vek zel mai  
 baw si a, kan rethei sawt hle mai.



Nikhath chu luite kan zawk chho a, chul ah kan chhuak ta hlawl mai a. thlam ramah chuan Derhken leh Zamzo par chuai deuh riai tawh hi kan va hmu a. Bethlehema nausen lo piang tur hmuakin Tlangsam te chuan Naupuakpuan anlo bat thar sur hlawn a, lung chu leng teh mahse chulam ngaihtuah aiin fimkhur atul ber mai si. Tukkhath chu Bawken, khawthar S aibual ah kan lut hlawl mai a, Saibual ah Eirawng kan bawl laiin Chu Beram zanlaiah chuan, Vanhla ropui takin alo thang tih hla hi Radio-in lengkhawm zai hian a rawn sa dup dup mai lehngal a, rilru a thar thei hle mai. Chaw eikham chuan ramhnuai ah bawken kan lut leh ta a, en zawna kawng su chawp bawkin kan kal leh ta a.

Ni 14. 12. 71 ni hian Tatkawnglui kan zawh chho a, kawng rau chhete kan hmu a, khawmual ah kan kal ta a, Se ek hlui fe kan hmu a, mihring vulh ngei anih kan ring a, kan hlim hle mai a, mihring thing kih ngei, a chawr leh pawh ban chen chen hi kan hmu leh a, khua a hnai tawha kan rin avangin kah hlim hle tawh hlawn. Tlang kan lawn chhuah meuh chuan ni a lam top tawh mai

a, Murung In 7 vel kalpel in Luite kan zawh thla leh ta a, athim tak em avangin riah zai kan rel ta a, Mau chhe te te hmun anih avangin hnim hnah nem tak ngial pawh ei tur kan hrel. Thingpui kan luma, kei chuan Pathan Commano pakhatin Chi tlang min pek kha ka lo la ak hlah a, Thingpui ah chuan ka al a, chu chu intihpuar nan ka hmang ta a ni. Thu alo thleng a, 'Section tin atangin mi 2 theuh kaltlang tur, Bawm khu a hnai tawh a, naktuka kan eitur lova ngaituah tur tiin. A zan a zan chuan an tlang ta nghal a, Hemi zan hi Zoram ah kha chuan kan hlim na hun pui ber, 'Tlaivar zan, kan tih thin kha a ni a, tunah pawh hlim takin an hmang ang, tih chu rilru in hrereng mahse, keini chuan tawngtaina kan nei thei chauh a, engmah dang kan ti thei lo.

Ni 25.12.71 Krismas tuk chuan Khawvar rualin kan chhuak a, Bawm khaw hnai ber Liphum ah kan han lut a. Tuachhung mi te'n kan breawmia min briatthiam pui a, min lo lainat hle. Hun reitak ramhnuai kan vahvah tawh hnu a kan Mizo pui, Kristiante

hnen kan thleng chu kan hlim hle a, Bawng leh Vawk an talh nghal a, Krišmas hmang tura kan tawngtaina te Lalpan ahrerenga, min en-san lo.

*Thlaler ramro kawngah chuan an vak an vak a, Mihring awmna kkua reng reng an hmu lova: Riltam leh tuihal in, an nunna chu an kaw-chhung ah a chau ta a.*

*Chuveleh an buaina ah chuan Lalpa chu a auva: Ani chuan an manganna ata chu a chhanhim a, Mihring awmna khua a an kal theih nan.*

*Kawng ngil takah a hruai ta a.*

*Sam 107 : 4-7.*

A tukah chuan Fiangpidung ah kan lut a, Kan Sipate an lo thleng e, tiin an mahni khamkhawp tura an ruai lobuatsah tawh chu an buhchiar leh a, kan vaiin ruai kilah min sawm a, ruai chu hlim takin kan theh ta ani. Keini ho hi 300 zet kan ni a, heng Bawm ho hian 'Nangni chu in tlem a, inhma a lokalte chu nangni ai hian an tam zawk tih thu min lo hrih a. Rangamati Khawpui chhunga nunaute leh kan hotute him takin an chhuak thei nia kan hriat avangin kan


h̄imna a sang sawt hle. Bawm tlangdung chu kan fang phei zel a, h̄mun nuam kan luh dawn ni phei chuan an khaw bul lawk luiah Nula leh Tlangval rual hian min lo h̄muak a, Thingpui rawn semtu nula chuan In vahan rothei tak em, kan khawngaih em mai che u, in hreawmna zawng zawng hi athlawn anih loh nan Lalpan mal min sawm tawn rawhse tiin chibai min buk zel bawk a, Rumania kan luhni phei chuan Sunsawng atangin Ranga-mati atanga chhuak kan thian te'n min rawn h̄muak a, kan chanchin hriat a lawmawm sawt hle. Mizoram tlu chhe tawh hnu tungding leh tur hian Lalpa'n min la duh a ni ang. A kimchang chuan kan hrelo nain, thian dangte chanchin kan hre thar zel a.

Tlem azawng kan hriat theih chhun, Dagger Brigade leh Lion Brigade chanchin ka han sawi leh teh ang. Dacca. fall ni, ni 16. 12. 71 anih kha. Hemi ni hi an lo hre ve hauhlo maia, WT in hotute an han be thin a, tuman an rawn chhan tak loh avangin, an ngaih a tha lo hte a. I.F. HQ. te nen an awmna h̄mun Lungkudu leh Mainimukh chhuahsanin Mahal-chari bul Mok khuaah an inhmukhawm a,

Radio atangin Dacca a fall ta a ni tih thu an hre ve a, an vaiin heta awm` hi 600 vel zet an ni. Khawpui chhunga kan Sawrkar hruai tute an biak theih tawh loh avangin Pu Biakvela chuan mi 600 zet hmaah chuan thu a sawi ta a. Hei le; kan belh Sawrkar chuan India kutah min tlawm san ta a, Keini Sawrkar chu inpe ve thei kan ni lo va, tun atang hian insang mar nghal rawh u. Tuihal leh riltamin thawh a ngai leh tan ta. Kan Sawrkar Head Quarter kan hmuh hma chu kan zawng tur a ni. Sipai 600 zet ral thuam nen kan la awm a. tumah hlau leh zam kan awmin kan ngui tur a ni lo. Sipai Brigade hnih hruai tur hian kei, Biakvela hi ka tling tawh a ni, tiin.

Chuti chuan Sipai te chuan Mizo tlangval kan ni lawm ni tun an intat hriam sauh sauh mai a, mahni mimal tana thawk kan ni lova, Pathian leh ram tana thawk kan ni a, Lalpan min do sak anga, Kawng lakah pawh tuman min dang buai thei lovang tiin. Buarkhali an pan ta chawt mai a, Buarkhali atang chuan Sazek tlangdung an pan leh a, 25.12.71 Kriesmas chu Mahmuam ah an hmang India Helicopter a lo tum dawn a, L.Bn. in an lo kap

a, chutia Silai te a rik tak avang chuan a zanah an chhuak nghal a, Marpara leh Puankhai Camp inkara kaltlangin hmalam an pan zel a. 30.12.71 ni chuan Changpui ramah an lut a, Kum thar 2.1.72 ni hian Lunglei leh Tlabung inkar Hauruang daiah kawngpui an kan a. Chuta tang chuan ramhnuaiyah an kal ta zar zar a. Samang khuaah an lut leh ta, chuta tang chuan an inthen a, 300 rual chuan hmun lai an pan a, 300 rual dang chuan kawng ngai an zawh a. Diltlangah an inhmukhawm leh a, ei leh in tur an tlachham a, mi 600 rual tan chuan ngaihtuah tham tak a ni ta. A leina tur pawisa pawh nei teh reng se, mi chuti zo zai zan khat tla tur lo pe thei tur pawh an awm si lo. Mihringte beiseina a tawp a, a mangan hnuah hian kan Pathian hmangaihna a lang thin. Chutia Sipai 600 rual zet mai ei tur neitawhlova beidawng taka an awm lai chuan tuna -kan do lai mek, India thlawhna a lo kal a, Buhfai a rawn thlak ta teuh mai a. Ka rei a va mak ngai vele, Pathianin a mite a humhalh dan hi tunge hre thiam chhut zo tak ang le? Israel fate thlallera riltam leh tuihala an mangan laia tanpui na nen khan a in ang lo tu nge ti thei ang



le? Van atangin Mana a lo tla a, Lungpui  
atangin Tui an hmuh kha.

*Aw, mihringte hian Lalpa chu a ngilneihna  
avang leh,  
Mihring fate chunga a thilmak tihte avang  
hian fak tehsele aw,  
A ni chuan an nuna thi chak em em te ati tlaiin,  
Nunna riltam chu thatnain a ti puar si thin a.  
Sam 107:8,9*

Diltlang atang chuan an kal zel a, Búng-  
tlang leh Mualbu kaltlangin Burma ramah  
Meilang tlangah an lut a. Hemi hmunah hian  
K Bn. Zoram chhuak tur nen an inhmu a,  
K Bn. ho chuan Bawm tlangdungah kan thiante  
an awm teuh tawh a, Capital leh Army HQ.  
pawh an awm tih thu an hrilh a, chuti chuan  
Batallion tin te chu Major hovin mi tlem HQ.  
dawr turin an lokal a, hlim takin chanchin  
kan inhrilh ther ta a.

0000000

## *Bung 5*

### CAPITAL LEH ARMY HQ.

Capital leh Army HQ. lam vethung tlem i han sawi teh ang. Sawitawh angin kan Sor-kar rorel khawl chu tuipui zau tak mai, Hmelmate hualkhung chhung, Rangamati atang chuan Bengali lawngpu te chuan an phur chhuaka, khawi lam nge min panpui dawn tih pawh hrela in 'Kan Pathian in min hum phawt ang tiin tuipui zau atang chuan Zan dar 12:00 ah chuan an tawih chhuak ta a. Hmelma te'n an hual vek tawh avangin kawng lakah enge kan tawh ang a, engtingnge kan awm zel dawn? tih pawh an hrela. Lounch pakhat mi 300 te, 250 te in an chuanga. Gun Boat ah Sipai tha tha chuangin hma an hruai a, Rilru a tawngtai reng chungin Lalpan min hruaina lam lamah kan kal mai ang ti chung zelin an kal ta ringawt mai a ni, khat mawi tawkin an kal a, Lounch pakhat phei chuan kawng a bo a, Kaptai (Pakistan tuikhuahna tlangpui) a zuk thleng rawk mai a, thawm engmah a awm



siloh avangin a lo let leh a. Lounch hmu-  
 hnungber nen an in hmu hlah mai a, Lounch  
 pu chuan, Helai hmun hi chu ka sumdawn  
 na hmun a ni a, ka hrechiang alawm tiin  
 hma a hruai a, a kal hmasa te kalna chu an  
 zawh dik ta a, chu pawh chu lonise, hmei-  
 chhia, nunau nena kal tan chuan beisei a bo  
 hle mai. Tlangtin maiah chuan hmelma te  
 an awm khat tlat mai si a. Tuipui zauva an  
 kal laiin khua a lo var ta a, chung lamah  
 lah chuan Hmelmate thlawhna a vir vut vut  
 reng mai si nen, an rawn hmuh fuh hlah  
 chuan tuipuia rannung te chaw tur an ni tih  
 chu tumahin an hailo. Aigupta ram atangin  
 Mosian Israel fate a hruai chhuaka, Tuipuisen  
 leh Aigupta Sipai te inkara an manganna ang  
 khan a danglam chuanglo. Hlau leh thlabarin  
 Mipuite chu an khur tawh a, chhanchhuak  
 theitu an ngai tak meuh mai. Lalpan a mite  
 a hum tak tak ang em aw Mak chungchuang  
 tak mai, hun kha leh chen pawha awm  
 ngailo Hemi tum hi chuan Pakistan tuipui  
 zauchung ah chuan Chhum a zing ta  
 tlat mai le. Chunglam hlauhawmna lak ata  
 kan ram hrulaitu leh Mipui Nunaute chu  
 hlahna ata humhemin an awm ta.

*Fin, Mosian Mipuite chung ah chuan*

*Hlausuh u*

*Awm hle hle mai ula, Lalpa chhandamna*

*Vawiina a thawhsak tur cheu hi en*

*ngawt mai rawh u.*

*Exodus 14:13*

Chawhnu' dar 1:00 vel chuan Luipui kam dinglymah hmelmate Camp an hmuh leh tak avangin khawmua l lam an pan ta a, an hmanhmawh avangin Lounch te chu a thle vel vak vak a, Lawng thlevel chuan Sgt. Rochhinga 'S-Bn. a mi chu a vawrh thla ta a, miput chu mualah an tumthla sung sung mai a, a'hmasa te chuan Camp a awm te kh' tutenge an nih? tiin Chakma an zawt a. Inthiante an ni a, Inlukhum ang hi an khum tiin an chhang a. Chutia Mipui Nuraui buai luai luai lai chuan Hmelma te chuan an rawn kap vak mai a, chuveleh Mizo Sipaita chuan 'Mizo tlangval kan ni ngai e, tim an han' nawr ta hiau hiau mai a, Hmelma lam panin an tlan chhova. BMG & HMG ri chu a fawn hian a fawn hlep hlep ta mai a ni.

Chutia Sipai leh Sipai inbei Maupui hman  
 kang ang mai a ri hiau hiau karah chuan  
 Nausen puaklai nei leh Mipui nunau ralthuam  
 kengvelote chuan nungdama chhuah reng an  
 in beisei ve tawh lo. Mizo tlangval ten an  
 an han la leh tak tak a, Darkar khat leh a  
 chanve vel lai an inkah hnu chuan hmelma  
 lam chuan Ban an rawn phar ta. Tichuan  
 kan Sipai te chuan Mipui nunau hiau leh  
 thlabara lo phili buaite hnenah chuan Kan  
 hneh ta, kan kutah hmelma te chu an in pe  
 zo ta, thlamuang takin awm rawh u tiin an  
 au va. Kan Tlangval ten an hneh tih mipui  
 te'n an han hriat chuan Pathian hnena lawmthu  
 sawia, rilrua tawngtai mawlh mawlh chungin  
 an lo chhuaka, an hlim leh lawm lutuk chuan  
 awmgaihna an hrelo hial a ni. EPR ho h  
 250 rual vel an ni a, Mizote kutah an inpe  
 vek a, Mizo Sipai te hian an ralthuam te hi  
 an lak sak vek a. Heile, tunah zalenna sualtu  
 in nia, inhlawhtling a ni ta mai a, Keini  
 pawh Zalenna sualtu kan ni ve a, kan thu  
 zawng nise kan inkap lo tur. Zalenna sualtu  
 te hi inthian tur kan ni asin, Pakhatmah kan  
 ti borallo ang che u, hlim takin haw rawh u.  
 keini zawng zalenna sual bawkin kan kal leh

ang e. tiin an chhuah leh vek a. Hlim takin an hawng ve ta. Mizo lamah hliam pakhat a awm. Hemi an inkahna, hmunah hian an riak nghala. Ni 18.12.71 ni chuan Farus atanga mel 6 yelah eirawng an bawla, Zuiin nau a nei. Hotu te chuan rorelna an nei a, Mipui nunau leh Tar chak tawhlo te, damlo te chu. Zoramah lo chhuak rih se, Tlangval thalai leh chakvak deuh te chuan kan hna hi kan chhunzawm zel ang an ti a. Mipui nunau 300 rual yel chu Zoram hawng tur an inthlang chhuak ta. Hotah hian Nula Chawng-pui leh Tlangval Zohmangaiha te chu an Inkutsuih a, Inneihua Zungbun an in buntir lai chuan an chung tlang atang chuan EPR hovin an rawn kap leh ta thut mai a, an phak buai lehta. Silai ri leh Mipui hlau leh thabar rak nuai nuai thawm chuan ruam chu a khat chur chur mai a, Mizo Sipai thinrim chuan theihtawp an chhuaha, asiruk lain an bei leh ta hiau hiau mai a, EPR awmna tlang chu an han hual a, Mizo Army kan ni kan zam dawn lo tiin an bawk ruih ruih mai a. EPR ho chuan an tuar nganglo ani chek ang chu an tlan chhuak a, Mizo tlangvalte chuan an umdarh zo leh ta. Hmelmate tana

tlang atang chuan, Kan hneh ta, Kan Umbo  
 zo tawh ti a kan Mizo tlangval te au aw ngei  
 an han hriat chuan Mipui hlim leh lawmin  
 engtia awm tur nge a nih tih pawh an hre lo.  
 Lawm avangin an biangah mittui a luangliam  
 zung zung hlawm a, hmelmate chakna leh ral  
 thumte laka kan nunna min humhimitu Pa-  
 thian chu fakin awm rawh se ti a tap zawih  
 zawih chungin Sipate ralkap hali chu chibai  
 an lo buk hlawm a, Rangamati a hun rei tak  
 lo awm tawh Ngurthanseii nu chuan Kan in  
 kap thin, tim in inkah thu te in sawi thin a,  
 hetiang ang hi maw lo ni thin? Kan sipate  
 huaisen zia ka hmuhin ka thla a muang a ni,  
 tiin a sawi a Kan pi ber pawhin kan Sipai  
 te hi an huaisen hle an ti thin a, a chhuan  
 pawh ka lo chhuang hle thin a, tunah zawng  
 ka mit in ka hmu ta, heti khawp hian an huai  
 sen thei ang tih ka lo suangtuah phak ngai  
 reng reng lo, tunah zet chuan kan Pathianin  
 hmelmate kutah min pe taah ka ngai a, kan  
 inhmuh khawm leh reng reng ka ring pha  
 tawh lo, Mahse, Thlamuang takin awm rawh  
 u, kan hmelmate chu kan umbo zo ta ti a au  
 ri kan sipate rawl ngei ka han hriat chuan  
 a mak lutuk a, ka mumang emaw ka ti hial

a, kan Pathian hming lam zelin lawmthu ka sawi a, kan sipaite huaissen zia hi sawifiah phak a ni lo. An lo huaissen hle tih hian a pha mawlh lo a ni.

Silairi a reh a, an han in lam kim meuh chuan khua a thim ruai a ni mai a, an riak ngah a, Zorama hawng tur leh, Ram tana la thawk zel turte chu an riak za leh ta.

Ni 19.12.71 ni chuan Council Road an zawh a, Damlo 3 zawn an nei a, Ramhnuaiah kawng su chawpin an lut zel a, Mel 5 velah an riak leh ta.

## *Bung 6*

### INTHENNA

Ni 20.12.71 Ni chuan khua a lo var riai riai a, an tho sang sang hlawm a, nizan lawkah hmelmate hnehin hlim hle mahsela hemi tuk hi chuan mitin an rilcu a hah a ni ang, hlim hnehaiin lungchhe hmeh hmuh tur a tam zawk. Thlasik laite a nih avangin Zu leh Va te thlasikin a hmet hneh ngang a ni ang, an reh thuap mai a, thawm nei reng reng an awm lo. Hemi tuk hi chuan inthen loh theih a nilo

Mipui nuaute nena an inkañh dul dul mai  
 chuan buaina tawh palh chungchangah a buai-  
 thlak chungchuang lutuk dawn mi kan in  
 hlauk hnem lutuk ang, tih leh, Ram leh hnam  
 tana rei tak lo thawk tawh leh Damlo, Tar  
 chakvaklo te chu Zoramah lo chawl rihse, tih  
 a ni a, mahse hun kha leh chen lo thawkho  
 leh tuk zan a chawhlui an lo kil pui te chu  
 inthen a har ngang a ni ang. Tukthuan an  
 han ei ho chu ei tui a har an ti tlang hle.  
 Tukthuan eikham chuan Zoroma haw tur leh  
 hnam tana la thawk zel turte an han inthlar  
 a, mitin biangah chuan mittui a luang zung  
 zung mai a ni. An vela nungchate pawh he-  
 mi ni hi chuan hlim zai an rel thei bik lo.  
 A hrehawm ngang a ni ang, Zoram lama haw  
 tur thenkhatte chuan, ka thawh theih tawhte  
 a la awm ve lawm ni? tiin mittui nen Hotupa  
 chu an dil nawn leh thin a. Hotupa chuan,  
 lo han chawl rih phawt ula, in tlawmngaiha  
 leh in huaisenna, in inpekna chu a ropuiin,  
 eng tik ah mah kan rawn theihnghilh dawn  
 lo. In hrisel loa, in tan hahchawlh a tha e,  
 a thente phei chu in tar ta, hahdam takin lo  
 han chawl rih rawh u, a tih tlat avangin tap  
 zawih zawih chung inan inthen fa. Mi 300

ruai zét chuan Zoram an pan a, damtak leh  
 thung taka kal in Chai khungah Krismas an  
 hmang a, Hmelma hual chhung hmun hrang  
 hrang atanga put chhuak te chuan Bawm  
 thungdung fluang takin kan thlengkim thei tih  
 kan hriat chuan kan hlim hle blawm.

0000000

## Bung 7

### ARAKAN

Bawm ho chu kan Mizo hnaathlak leh  
 Chipui te niin, kan Kristian pui ni mah se la,  
 Sipai sangnga ai tam chawm tur chuan an  
 ram a zimin, an in leh loin mi a dawng  
 ngang si lo va, kan awm zel dan tur ngaih-  
 tuahin kan Sorkar rorel pawl an thukhawm  
 a, an ro rel lai hian kan Batallion ch hmun  
 nuamah kan awm a, khua a mite chuan a  
 tawnga Bible te min rawn de a. Zuk



STATE LEGAL  
No. 59  
MIZO CHU  
RAM CHU U.T ani ta tih thu Radio in a lawnpuang.

Kan hotuten ro an rel zawh chuan Arrakan pan tur tih a ni a, kan awmna hmun atang chuan Moduk ngaw a Army HQ awmna lam chu kan pan ta a, 'A.HQ. ah chuan zan kan riak a, Pu Biakvelan thu a sawi a, 'Hei tunah Arrakan in kal dawn a, khaw hmunah pawh awm ula, tunge ka nih, engti turnge ka nih? kan in hre tur a ni. Hnam dang zingah kan awm dawn avangin mitin hian hnam mipui ai ka awh, tib kan inhre tur a ni, ka ruk chuan Mizo chu rukru hnam an ni a, ka tlawmgaihloh viau chuan Mizo chu tlawmgaihwa neilo ka thatchiat viau chuan Mizo chu thatchhe hnam an ni. Hetiang hawk hian Tlawmgaia thiltha ka tih chuan Mizo chu tlawmgai leh thiltha ti hiam, Ka huaisen chuan Mizo hnam tan a ni ti hrerengin finkhur tekin kan va nung tur a ni ang. Sa khuaana lamah vethung chuan Pathian biak humal neilo an ni a, kan Pathian pawh hi engahmah min ngahsak lova, Pathian leh kan ran tau kan thawk tih hrerengin kan

awm tur a ni a t'a. Tukthuan ei kham  
chuan Moduk ngawpui mihringte la dai  
pawhna ngai loh ram chu kan lut tan ta.  
Mihring thawm aiin Sai thawm, Thlamuantu  
aw aiin Sakei rawl hriat a ni ta thung a.

Helai ram ruak zau tak mai, kawng pawh  
awmalobna hmua, Ramsa hlauhawm pui puite  
awma rama kaltlangna kawng bawh pawp  
tur hian kawng engkima kan mi hrat khaw-  
kheng, 1st Mizo Army (Vanapa Batallion)-te  
chuan hma hruiin kawng te chu an lo va  
zawag hmasa a. An kalna apiangah hnuhma  
te an lo va nei zel a, keini ho pawh chuan  
chu hnuhma chu ohhuiin kan kal ta zel a.  
Modukngaw chhunga lui lian ber, Sanghu  
luipui ah chuan kan cham a, Sangha te kan  
vua a, mihring hnuhma hmuh tur reng reng  
a awalo, V-Bn te kal hmasain perh an lo  
tar zel a, chanti nile pheise, bo hlumna thak  
tur hi a ni mai, karkhat lai kan kal hnu  
chuan Arrakan chhunga, khaw hnai ber  
RENGTHAWRI kan thleng ta hlawl mai a,  
kan kal pel leh a, Mel khat vel ahnai ah  
kan riak ta a, Tichuan kan kal leh a, Reng-  
thawri kan thleng leh a, tahchuan kan Police

te anlo awm a. kan han fin à, Vawk sum sarih kan talh a, Arrakan ho chuan minlo lainat hle a. Zuk leh hmuam turte hniang-hnar takin minlo pe a. Kan hlim sawt hle, kan kal zel a, Lahpengkhrih khua kan thleng a, kan thlen ni hian kan hotu te leh Arakan Jebaw (Hnamsipai) te'n min lo hmuak a, Vawk min lo talh a, zan ah chuan kan in tihlim nghal a, Rakhai nula te an lam a, an Solo baw a, keini pawh in nuhza fiamtha te kan thawh a, Kan Solo ve al al baw a.

Kan luhna khua apiang ah Vawk kan hlawh zel a, Vawk 11 kan ei hman tih ah chuan MTS V-Bn kan hmu a, tah chuan awmhmun kan khuar ve ta ani. Chuta kan Camp hming chu: kan tui-tlan a al avangin TUIAL CAMP kan vuah a. Heng lai ram hi Tuifinriat ahnaih tawh avangin Tui al lo chu a vang tawh kher mai. Tin, Helai rama mipui cheng tamber te chu Rakhai an ni a, Bengali leh Murung, Khumit an awm ve baw

Hemi te hi tawng leh Mize inanglo tak tak anni hlawm a. Murung ho hi an inti Mizo viau mai a, Mizo hnahtlak an inti

ve hlawm a, Mipa in Fentereig an küh a, Hmeichhia in kawr ha lovin khup lek pawn-fen an feng a, an khel lehlam an tilanga ni.

Khumi-teho in chei dan chu achang kang deuh a, Mipa pawhin Kawr an ha hlawma, An hnute tuam nan Romol- tiat vel puan- them an hmanga, La hrualin an darbak a. Khumi- ho hi chu an chet dan pawh a Mizo deuh. Tlangram lo neimi an ni a, kan tawng pawh inan na lai a tam mai. Kan pi pu te hun lai anga Zu leh Sa chen mi an ni ve a, khaw hran hran an inchah khawm thin a, Nula leh tlangval an inkuah tlar put a, alu ah Khuangpu leh Hamrik pu te an awm a. tumah zuruih avanga intibuai an awm ngailo an Hamrik chu keini hovin 'Ut Ut' kan tih- sak a, Kan pi pu te'n Rawchhem an tih lu a ang berin kan hria. Pasaltha leh Thang- chhuah fanaute an nih ve ngei kan ringa. Khaw hran hrana an intawhkhawm chang pawh hian Nula pahnih hian 'Vakiria' leh Vakulchang' an tawn thin. Kan pi pu te ang bawkin Pathian an zawng ve'a, mikhual thlen chung changah pawh U.T Chhunga Mizote ai hian an thain an zalen zawk. Heng Mu- rung leh Khumi-hote hi Rakhai hote hian an hnuaichhia ve a, hreawm an ti ve hle thin.

## *Bung 8*

Kan awmna atanga chhaklam hla fe, Kawlawdin ralah chuan 'L'Bn an han awm a. Helaia mi chengte hi Sin aa ni a, Mizo hnah-thlak dik tak an ni. Sinlung atanga thlang an tlak thute, Khampat 'Bung' phun thute an hre vek a, Chhura thawnthu lamin an hria. Mizote'n thlang an tlak lai khan a hmasa ho kan ni a, Muk thing kan thel avangin kan hnunga miten kan kalna chin an hre tawh lova, Kan in hloh ta a, Keini ho chuan he ti lai hi kan luah ta ani. Thiante kawngbo pawh lo thlen hun an nei chek ang tun hmun kan lo buatsaih reng asin tun an insik apiangin a chanveah an pingdanga, a lehlan an ti ruak a. Keini ho lah chuan thlen tik ni kan nei mawlh silova, an beidawng tawh a. 1972 hi chuan kan han thleng ngeia, ka mit ngeiin kan han hmua, a rei tawh em avangin a chanve ni tawh lovin hnam danah an neih tawh a, hlam emaw chu pindan ruak an la nei fo ani, Kan tawngte pawh a inhrul viauva, tawng a tang ngawt pawhin hnam hrang kan nilo tih chu a hria nghal theih mai awm e. 'L'Bn ho

han kal te pawh an lo lawm hle hlawm a, kan sipaite in ni e tiin Sial te an talha, hlim takin chawhlui kil hona an nei hlawm. 'L'Bn ho pawh chuan unau vek kan nih thu leh Mukthing thel avanga kawngbo hnahnung pawl kan nih thu te an hrilh ve a. Chhiatni thatni ah pawh keini ang bawkin an in tawiawm thin an. Mitthi an awmin zanthum zanli lai an tlaivar pui a, Khuang leh dar nen mitthi lu an men thin. An in hal dawn chuan mitthi chu kuangah an zalh ve a, chu kuang aia han chuan pangpar lehkha chehmawin in chhawng sang tak thleng in an sa a, kuang chu an la a, an insak sak chu a chhiat hma lohin an lamhuala, a chhiat hunah an in hal thin.

**HMAITIAL :** An hmai tial na chhan hi thenkhat te sawi dan chuan Burma lal Siampahrang-an Mihring chhul a ei vang niin an sawi a, a ni chiah kher awm love. Miauhawng lal hlauh vang zawk niin an mahni chuan an sawi a, Nula hmel tha tak tak pawhin hlauhawm rapthlak khawpin an tirang a, adikna chiah zuk hriatpui kher lo mah ila, adikna hi hmeichhia tan hlauhawmna kawng zawng anei ngei anih arinawm.

PIANTHARNA : Ka sawitawh angin kan chenna Arrakan mipuite chu Kristian an ni velo ka tih tawh kha. Ei leh in tur te, Silh leh fen turte min pe tha hlawm hle mahse, Sakhuana lamah min hruaitu an awm lova, April thla alo ni a, Good-Fri-day te kan han hmanga, Tuial Camp atangin kan chhuaka, Camp hran kan buatsaih leh a, Biak In hranpa kan nei-lova, Kawtzawl ah Thingtuai kan hnuk khawm a, Chutah chuan kan in khawm thin. Chawhlh-tlai khat chu kan Biakin ah kan lenglova, Zai atui sawt hle mai, ti ti na ah Pathian thusawi atui sawt hle. Camp chhak tlang chu Fianrial tawngtaina hmun ah ngaih ani ta a, Camp bul hnai ah Tawngtai thawm hriattur atam sawt hle. Pathian thu sawia inpawlhona atam sawt hle baw. Kan Inkhawmna hmun ah kan leng ta meuh lova. Chawlhni aloni leh ta a, Kan Inkhawmna hmun chu kan khat tlat ta mai. Tlai lama inkhawm in a :-

*Tu pawh a zawngtu tan hmun a awm:  
 Aduh apiang lokal ru  
 Lawmna famkim chu dahin a awm  
 Lawmin i zai ang u"*

ti a Pathian kan han fak ho laite chuan,  
 Rangamati a kan awm ho lai, Zu hmun leh  
 Sa hmun a nuam tawh hrep tawh leh Nulat  
 Tlangva-kawnga nuam lo chen hrep tawhte  
 chu Lalpa fakin an bianga mittui luangliam  
 zawih zawih chungin Lalpa an fak a. Lalpa  
 tana kan mi serh hran, Pathian nena kan in-  
 kara Palai hna rawn thawktu chuan:-

*“Ngat teh u, tun hi hun lawmawm chu a ni a,  
 Tun hi chhandamna ni chu a ni.*

ti h thi thiam taka a rawn sawi mai chu, a  
 sawi zawh chuan kan hla hnahnung ber atan,  
 “Hetah hian nunna tui a luang” tih hla hian  
 Pathian kan han fak ho ta a, Lawm avanga  
 Bianga mittui luang zawih zawihte leh lam  
 chhakte chu kan inzat nawk ta mai. Kan  
 tuiin kan rawl a ring ta hle mai a. Kan O/C  
 chuan, “a tawk ta e” tiin ban a phar a, kham  
 lo fahrarin kan tawp ta, kan han tin chu Tisa  
 leh Thlarauah zalenna kan mamawh zia kan  
 sawiho nak nak hlawm. A tuk chuan Luite  
 hnarah chakna nei tan hun kan hmang a, Pa-  
 thian leh khabu chhiar chakna nei ten tukthuan  
 ei kham atengin hun an hmanga, Niin min  
 daih lo. Nitin mai hian Pathian hnena In-  
 hlanna nei mi 5 atanga 12 thleng an awm  
 deuh reng a.



“Mi suaksual chuan a awmdan ban san sela, mi fello chuan a awmdan bansan bawh rawh se, Lalpa hnenah kir leh rawh se, Ti-chuan a nin alo khawngaih ang, Kan Pathian hnenah kir leh rawh se, a nin a lo ngaidam ang khawp dawn si a.” Nitinin Lalpa hnena Inhlán kan pung zel. Pathian thusawi a, a chhün azan a, au nghek mai kan chak a, bengchhön phal a ni si lo. Zaikhawma lam dup dup mai te kan chak a, mahse fimkhur a ngai reng mai si a, kan hun tawng ava khirh tek lul em. Ka bula mu, ‘Naitea’ kan tih mai chuan “Mi zawng zawng hlo bet ang an ni, an ropuina pawh hlobet par ang an ni” tih lai chang hi a keu va, muala tlangau pui vak mai a chaka, mahse zan a rei tawh si, muthmuna phun sep sep pawh an phal tawh si lo, a muhil theilo chu a hui pap pap reng mai a, zanlai velah chuan a tho va, a tawngtai leh ringawt thin.

Sakhi luite tui chaka a thaw huam huam ang hian ka nunna hi Lalpa chakin a thaw huam huam a. Kan nunna hian Pathian a chak a, kan tui a hal a ni ber mai.

Zing leh tlaiah Camp chung tlang chu tawng-taiin a thum mam mam reng a, kan bula 'V-Bn. ho pawh an thawm a tha hle mai. He kan Camp hi kan piantharna a nih avangin piangthar Camp kan ti a. Heta tang hian hmun hran hranah kan insawn a, hemi hmun ah, hi chuan Pathian biakna ah pawh hlasak phal a nilo. A chang pheichuan Burma Sipai te an lo kal thin a, kan buai hle thin. Hun kha leh chen min lo venghimtu kan Pathian chuan min lo la hmangaihmin min la humhalh hle a ni ang, thiante sawidanin 'L-Bn. ho beitura Burma Sipai ho lo thawk chu Choak-in a bei vak mai a, an ngaihtha lo chu an kir leh ringawt mai a ni an ti.

Arrakan hmun hrangte kan zin kual zel a, Tuifinriat kam a ni a, Tuifinriat thliin an len fawkte chu Lawnglian lo thleng tur ang mai hi a ni a. 'Khawtinah hian inkhel tur hian tualchhung miten min chah thin a, min hneh thei ngai lova, kan inhmuh tirh chuan min hlau va, mizia min hriatchian hnu chuan min nelin min ngaina hle hlawm a ni. Nau-pangte pawhin mi hi an ngen a, an tapvawng vawng mai thin a ni. Mipuete chuan Kristian an ni a thil sual an ti ngailo min ti mai thin.

1974 kumthar hlima Mizoram a chhuak tur kan ni a kan mipuite chuan min ui ve hle mai, thenkhatte chu kan hnenah an tlai-var ve. A tuk chuan kan chhuak ta a, mahse kawnglakah ka mit a nat avangin Head Quarterah ka awm a, thiante an kalliam hnu chuan engtikah tak inhmu leh ang i maw? Tuna kan kawng zawh lah hi a bumboh in a hre-awm hle mai si a, kan vanneih chuan hlim tak pawhin kan inhmu leh mai anga, mahse chu zawng beiseibo a ni. Mahse kan biaklai Pathian nung chuan kha leh chen kha minlo awmpuiin min lo veng tawh a tun ah pawh mi veng, kan nakin hnu zelah pawh kan nunna chu a kutah a awm zel a, kan boral hi kan Pathian hian aphallo ang' tih kan ring tlat a ni.

\*\*\*\*\*000\*\*\*\*\*



